



„Savez poljoprivrednih udruženja Konjic“
Varda bb, 88400 Konjic
Telefon: 036 735-040 i 036 735-041, fax 036 735-041
www.poljoprivredakonjic.ba




9. MEĐUNARODNI FESTIVAL HRANE “KONJIC FOOD-FEST” 2018.



U organizaciji općine Konjic, Saveza poljoprivrednih udruženja Konjic, Centra za neformalnu edukaciju u kulinarstvu i ugostiteljstvu Gastroid, Firma ToFi d.o.o. iz Sarajeva i iAgencije Prvi Korak, dana 03. i 04. oktobra 2018 godine na Sportsko-kulturnom centru "Partizanovo" u Konjicu održan je 9. Međunarodni festival hrane "KONJIC FOOD-FEST" 2018.

Organizacioni odbor za pripremu 9. Međunarodnog festival hrane "KONJIC FOOD-FEST" 2018, pripreme je počeo nekoliko mjeseci ranije, a tehničke pripreme za realizaciju manifestacije dva dana uoči festivala i na sam dan festival, uradili su članovi Stručne službe i uposlenici Saveza poljoprivrednih udruženja Konjic, radnici JKP Standard iz Konjica, i učenici Srednje poljoprivredne škole iz Konjica..



Za ovogodišnji Festival, vladao je veliki interes, tako da oni kojisu se kasno javili, zbog ograničenih tehničkih mogućnosti nisu mogli učestvovati.

Učestvovalo je 105 izlagača i sedam kuharskih ekipa, što je rekord, a organizator je morao učiniti dodatni napor, kako bi ovom, na vrijeme prijavljenom broju učesnika omogućio uslove učešća, jer je Festival predviđen za manji broj učesnika.

50% izlagača su bili domaći, a druga polovina izlagači iz mjesta širom BiH: iz: Sarajeva, Tuzle, Jablanice, Viteza, Olova, Visokog, Prozora, Gradačca, Fojnice, Travnika, Gračanice, Banja Luke, Stjepan Polja.



Neki izlagači izlagali su samostalno, a neki sa svojim udruženjima i organizacijama.



Neki izlagači se ne uklapaju u kriterije Festival hrane, a organizator im je dozvolio učešće jer su svojim proizvodima uljepšali i proširili asortiman ponuđenih proizvoda.



Po programu festivala, u 11:00 sati počeo je svečani dio – ceremonija otvaranja Festivala. Voditeljica programa gospođa Biljana Handžo pozdravila je prisutne, zaželela im je dobrodošlicu i pozvala prve učesnike programa, djecu iz dječijih vrtića “Zulejha Begeta” iz Konjica, koje su učesnici Festivala podržali velikim aplauzom.



Nakon prvog dijela kulturno - zabavnog programa, uslijedilo je obraćanje zvaničnika. Prvi se prisutnima obratio direktor Federalnog zavoda za poljoprivredu dr Omer Kurtović, zatim predsjednik Saveza poljoprivrednih udruženja Konjic, gospodin Nusret Avdiebgović i na kraju prisutnima se obratio i Festival otvorio pomoćnik načelnik Općine Konjic i direktor Festivala gospodin Vahid Alibegović.



U okviru ceremonije otvaranja šefica Stručne službe Saveza poljoprivrednih udruženja Konjic, gospođa Izeta Macić uručila je zahvalnice za doprinos organizaciji Festivala:

- Srednjoj ug.tur školi Vrnjačka Banja,
- Srednjoj školi za ug i tur. Ljubljana,
- Srednjoj školi za turizam, ugostiteljstvo i trgovinu «Sergej Stanić» Podgorica,
- Srednjoj turističko-ugostiteljskoj školi Tešanj
- Srednjoj ugostiteljskoj školi «Kole Nehtenin» Štip,
- «Igman» DD Konjic,
- «Maksumić komerc» doo Konjic,
- Rad DD Konjic,
- Bujice DD Konjic
- Surtek – Eurosajz doo Konjic



Nakon što je 9. Međunarodni festival hrane “KONJIC FOOD-FEST” 2018. otvoren, u nastavku kulturno zabavnog programa, posjetioce, učesnike i goste Festivala zabavljali su članovi KUD-a “Preporod” iz Konjica, a u oba dana Festivala Ezad Habibija i Hamza Sokolović sa svojim kolegama muzičari





Na 9. Festivalu hrane “Konjic Food Fest” 03. i 04. oktobra 2018. godine kupcima je nuđeno:

- **razne vrste sireva:** repovački sir, sir iz mjeha, dimljeni sir, fojnički, vlašički i travnički sir i **širok asortiman suhomesnatih proizvoda:** Beg Prom i Kaplan iz Visokog i Pirija Safet iz Konjica.





-Voće i povrće i prerađevine od voća i povrća zauzeli su posebno mjesto kako po obimu tako i po kvalitetu, što je kupcima pružilo mogućnost da obogate svoju zimnicu.





Med i ostali pčelinji proizvodi i proizvodi na bazi meda. Konjički pčelari su prisutni na sajmovima i festivalima širom Bosne i Hercegovine, kao i na ovom Festivalu gdje su bili zastupljeni u značajnom broju. Na prepunim stolovima nudili su više vrsta meda: bagremov, med od vriješaka, livadski, kadulja, kestenov i šumski med, te proizvodi od meda ili na bazi meda: matična mliječ, propolis, vosak i polen te razni preparati na bazi meda iraznih ljekovitih biljnih vrsta.



Sakupljači, prerađivači i proizvođači **ljekovitog bilja** članova UG "Brusnica" iz Konjica, kao i učesnici manifestacije iz svih krajeva Bosne i Hercegovine su pokazali s kakvim sve vrstama čajeva i ostalih prerađevina od ljekovitih biljnih vrsta raspolaže općina Konjic i Bosna i Hercegovina.





Više vrsta torti i kolača raznih vrsta, nudili su proizvođači širom BiH, a posebno Udruženja žena iz Konjica, Jablanice, Mostara, Visokog, Gračanice, Srebrenice, Stjepan Polja.



Posebnu draž Festivalu dali su učesnici takmičari ugostiteljskih škola iz: Srbije- Ugostiteljsko-turistička škola Vrnjačka Banja, Makedonije-Srednja ugostiteljska škola "Kole Nehtenin" –Štip,,iz Crne Gore, Srednja škola za turizam, ugostiteljstvo i trgovinu "Sergej Stanić"- Podgorica, iz Slovenije – Srednja škola za ugostiteljstvo i turizam- Ljubljana i Srednja – ugostiteljsko turistička škola Tešanj –Bosna i Hercegovina.

i Udruženja žena: Udruženje „Žena za ženu” iz Konjica, iz Jablanice, Mostara, Gračanice, Srebrenice, Visokog, Stjepan Polja, koje su izložile ranije pripremljene proizvode, a na dane festivala na licu mjesta pripremale: puru, halvu, ćeteniju.



Svake godine se sve veći broj učesnika odluči odgovoriti zadatku Festivala i zamisli organizatora da na Festival donesu hranu koja je napravljena po tradicionalnoj, domaćoj receptur, ili da je prave na licu mjesta.

U oba dana festivala organizovana je “Čajanka”, koju su pripremili članovi Saveza poljoprivrednih udruženja Konjic i OPZ Konjic. Čaj je pripremljen od ljekovitih trava ubranih na čistim, često veoma nepristupačnim područjima općine Konjic, zaslađen domaćim medom, a učenici Srednje poljoprivredne škole iz Konjica, su pomogli realizaciju čajanke, djeleći čaj učesnicima i gostima.

Organizator je i ove godine organizovao takmičarski dio Festivala. Komisija formirana od predstavnika Općine Konjic, Saveza poljoprivrednih udruženja Konjic, Opće poljoprivredne zadruge Konjic i Agencije Prvi korak, birala je najuređenije izlagačko mjesto. Nakon što je komisija obišla sva izlagačka mjesta, proglasila je pobjednike 9. Međunarodnog festivala hrane "KONJIC FOOD-FEST" 2018

Direktor Organizacionog odbora Festivala i pomoćnik načelnika općine Konjic, gospodin Vahid Alibegović, uručio je diplome i novčane nagrade pobjednicima, a to su: 1.mjesto PIRIJA AMRESA, 2.mjesto HEBIB EMINA i 3.mjesto UŽ MOST JABLANICA.



Da se Organizacioni odbor trudi da Festival organizacijski svake godine bude sve bolji, potvrđuje i činjenica da je u noći između prvog i drugog dana festivala organizovano druženje za sve učesnike festivala i članove organizacionog odbor.



Drugi dan Festivala praćen je raznim sadržajima kulturno zabavnog programa: Djeca iz Vrtića **HAPPY KIDS**, bend s bubnjevima „Bravo Mi” iz Sarajeva, koji je bio prava atrakcija za posjetioce, posebno za djecu i bendovi : Ezada Habibije i Hamze Sokolovića.



Poseban kvalitet Festivalu dali su novinari Radio Konjica, koji su oba dana Festivala slušaoce Radio Konjica i prisutne na Festivalu obavještavali o svim dešavanjima na Festivalu, razgovarali sa učesnicima, gostima i posjetiocima, tako da su izlagači bili u prilici da se besplatno reklamira





Festival su pratile: FTV, TV-1, TV OBN,
RTV Jablanica i BHT Radio,
Radio Kalman i RSG



Takmičenje kuhara u pripremi nacionalnog jela od jagnjetine praćeno je od strane komisije, u čijem sastavu su bili vrsni kuhari, sudije u kulinarstvu;; Čolić Miloš iz Srbije, Andrej Molik iz Slovenije, Milan Bukarica i Manojlo Vojvodić iz Crne Gore, Goran Antonievski iz Makedonije, Šerif Šahinović i Hamid Hadžić iz BiH, kojima su za učešće dodijeljene zahvalnice.





Komisija je ocijenila takmičenje i proglasila pobjednike, a to su
 1.mjesto Srednja škola Ljubljana – Slovenija i
 Ugostiteljsko turistička škola Vrnjačka Banja – Srbija
 2.mjesto Srednja škola “LazerTanev” Skopje – Makedonija
 3.mjesto Ugostiteljska škola Podgorica – Crna Gora

Pobjedničkim ekipama direktor Festivala Vahid Alibegović uručio je diploma I medalje, a svim učesnicima zahvalnice za učešće,
 Ukupni pobjednik je ekipa: Srednje škole iz Ljubljane, kojoj je uruče npobjedničk ipehar i diploma.



Organizacija i takmičenje u kulinarstvu odvijalo se uz asistenciju Centra za neformalnu edukaciju u kulinarstvu i ugostiteljstvu GastroID i Firma "ToFi" d.o.o, koji su obezbijedil sve uslove za takmičenje

Učenici Srednje ugostiteljsko turističke škole iz Konjica, imali su obavezu da za zvanice Festivala pripreme zakusku. Pokazali su da im škola pruža prave mogućnosti da postanu vrsni kuhari.



Pandur Eniad učenik srednje ugostiteljske škole iz Konjica i njegova profesorica Mehdija Košpo, dobili su posebne zahvalnice za angažovanje na Festivalu i doprinos njegovoj realizaciji



Organizator je na osnovu realizacije planiranog programa Festivala, utisaka i zapažanja gostiju, izjava izlagača, koji su više nego zadovoljni učešćem na Festivalu, te komentara posjetilaca, ocjenio da je Festival dobro organizovan, sa zaključkom da se uočene sitne greške otklone na narednim Festivalima, s nadom da će i ugostiteljske i turističke organizacije s područja općine Konjic, kao i sve veći broj građana prepoznati i podržati pozitivnu stranu festivala, i isti iskoristiti za vlastitu reklamu i reklamu općine Konjic.

Da je Festival uspio i da zaslužuje visoku ocjenu govore i osmijesi na licima članova Stručne službe i uposlenika Saveza poljoprivrednih udruženja Konjic, koji su nakon četvorodnevno napornog rada, sa uposlenicima JKP „Standard” i učenicima Srednje poljoprivredne škole iz Konjica obavili tehničku realizaciju Festivala.



U ime organizatora i pokrovitelja festivala, hvala svim učesnicima, posjetiocima i gostima, sretno do oktobra 2019. godine, kada vas očekujemo na 10. Jubilarnom Međunarodnom festivalu hrane “KONJIC FOOD-FEST 2019”.